

要聞

徐制軍請訓奏對三難

內廷傳出消息十五日東三省總督徐菊帥請訓時奏陳佈置東三省事宜實有二難一與日俄交涉之難二舉辦各政籌款之難三勦辦鬍匪之難

兩宮聞奏亦深以外交棘手為慮唐中丞因奏云俄人經日大創其謀已衰當不復如從前之橫日人深明唇齒之義極欲顧全邦交至餘外各國所爭在商務今三省已開埠通商亦不至再事深求果能將內政竭力整頓則外人亦深願同享利益交涉雖不易臣等當竭盡心力耳

慈聖諭令該督撫等勉為其難實心任事勿負重寄

徐制軍擬將軍隊分駐要隘

東督徐菊帥以東三省鬍匪蔓延其廣擬將北洋借撥兩鎮軍隊分駐險要地方預備將來進剿時四散旁竄是以委張金波觀察先行赴奉與商趙軍帥擇定何處衝要駐兵若干稟覆核奪以便即由天津分隊開往免得到奉後再行分派又多一番轉折

澤公整頓部務有四要端

度支部尚書澤公到任後日逐傳見司員詳詢利弊謂財政之事關係全國命脈因將整頓之法提舉要端四項一為調查各省出入之款列表備考二為鼓舞金幣三為各司員辦事須劃清權限四為裁革書吏當示下之時有某司員一人進言恐一時難以辦到澤公斥其阻撓新政迹近把持聞有將該司員揭發之意

政府以新官制姑從東三省試辦

東三省新官制經徐菊帥等會議奏准惟所改新制其中難免流弊且畿輔為起化之地經袁宮保數年整頓官民程度亦較三省為高則外官改制宜先從直隸辦起乃政府之意以為三省所定官制並非垂為成例將來有不合宜仍須隨時更改是以東三省為試辦新政之地耳

度支部議裁錢法堂

度支部自改併司以來所有錢法堂一項擬即裁撤併入制用司辦理已飭將該堂經理事宜交代清楚即行奏裁以歸劃

吏部奏調吳編修

吏部鹿尚書擬奏調翰林院編修吳敬修在本部丞參上行行走聞已具摺奏請奉旨允准

部議欲收回全國電政之權

聞郵傳部以各省所設電報雖有管理之名究少管理之實擬將全國電政之權收回自辦終以相沿已久一時勢難挽回即使辦到從何籌此巨款亦徒為是空言耳

川漢鐵路聞有挪移股本之事

郵傳部以川漢鐵路業經奏定商辦乃川省京官咸謂錫總督有將股本挪移借用等情設有其事何以昭示大信諭令川省京官公舉一員回蜀撤查

孫相國有乞休之意

孫相國家籍自知年老衰頹於新政不能展布一籌早有退志屢經政府慰留未能得賦遂初聞近來益不自安決欲引疾乞休惟聖眷方隆未知克如其願否

孫公使欲奏調嚴觀察不果

出使德國孫星使寶琦擬奏調嚴觀察充當參贊乃外務部以儲才館正該員辦理未便任其赴德因堅為挽留孫公使遂不果調

北京新聞

派員查勘印刷局基地○度支部前議開印刷局業經奏准在案現聞已擇定京北清河地方設局於昨日派員前往該處履勘

衍聖公奉陳學務○衍聖公昨赴頤和園上摺皆係整頓學務之事具列大綱四條一尊師重道二學生不宜穿操衣服遊行街市其餘二條尙未能詳

請留教員○第一師範學堂歷史教員奎石芝君於教授功課頗具熱心現經學部調當差該堂學生稟請挽留留當奉督學局批示略謂查教員學問教法實堪欽佩惟學部現調要差礙難強留本局為諸生另行擇師亦必慎重遴選仰即安心肄業云云並聞該科教員已派定甘君接充奎君之任矣又廠橋師範傳習所因挽留教員馬君之事全堂罷學刻已由勸學員恩石樵志仲愷二君出為和解聞已照常上課矣

已閉館煙館○宣武門外右分廳委員於日前接收密信一封隨即派第一區巡長金永信帶同警員十四名前往齊家胡同和義永關閉煙館登門入室拿獲吸煙人等蘇惠臣館掌忠秀亭夥友趙慶卿姜某五名並搜獲煙燈煙槍十四分外衣服馬表銀元賭具等項一併解往甘井胡同第一區訊辦

本埠新聞

官場紀事○新授天津鎮遠觀察福彭於十八日上院叩謝候補道左觀察運璣特奉督憲札委辦理王島商埠△准軍右路先鋒營翼長王副戎義才奉委撥調兵隊三營由京直至榆關沿途分防駐紮以保護路線不日分撥各處△狼山鎮楊軍門慕時與通永鎮邱軍門開浩互相對調聞邱軍門不日晉京引見再行赴任△通永鎮邱軍門差委高子賓大令來津請領餉銀於十七日由昌黎乘快車來津駐春華泰△練兵處何太守守仁請假一個月回廣東原籍

提學司批○衡水縣附生王樹森等稟請查明虛實酌核批中國素無簿記學故登載帳目往往混淆不清受人指摘且近年借立學名營私牟利者亦所在多有此案呈控王榮恩捏帳吞款變賣學地計八百餘吊經該管縣訊經七次今出錢二百吊內容糾結不易判決可知而日前據稟派查尙未具覆應即回籍無庸曉諭久候

天津住民有選舉權者注意○自治局現發出之被選舉人名一覽表所分之區不過表明其住址別無他意凡有選舉權者可於表中任擇一人選之並非限定住居某區者必選舉某區之人此吾津埠住民所當格外注意者

定期考試○照得本廳前為預備審判人才起見曾仿照日本司法官試補之例擬考本省正印人員十二名佐貳四名作為額外學員不給薪水無論正途捐納分發高等並地方兩廳分別觀審練習等情當經稟蒙 官保批准並出示招考在案茲據各同寅陸續報名投考前來合行定期考試為此特告報考註冊有名各員一體知照現擇於本月二十一日早六點鐘備卷在府署門考試屆期務望諸同寅攜帶筆墨前往投考以便按名給卷秉公校閱分別取去幸勿自誤切切謹白

軍醫考期○軍醫學堂招考三班學生等因早登本報經已牌示定於本月二十一日在本堂將所有報名投考及各堂冊送諸生先行挑驗身體必須強壯合格方准定期入堂考試並飭與考各生於驗看身體之日各呈本人像片以備將來考核而防頂冒又聞京師東文館保陽東文學社本埠日本普通學堂與中州學堂各送本堂優等學生與考軍醫並由提學四冊送九名官保冊送二十一名現聞開該堂已將送考諸生均已造冊示諭於二十一日來堂聽候挑驗

蜀解貢品○四川製造局派員押解貢物二十箱於昨來津寓增祥棧旋即北上

旗兵到津○由鎮江挑選合格旗兵七十名於昨來津關係充補陸軍第一鎮各標之缺額

別除枯樹○沿河大馬路兩旁廣栽樹木刻經工程科派夫將所有新舊補種未活各樹逐株剷除用車運去

分別判罰○有馬榮者于昨日在慶樂茶園義捕之包廂觀劇因與園夥角角隨帶領數人入園羣毆被該園夥等將此數人毆打隨後義捕拘送義訊辦當將園主罰洋二十元園夥因聚眾毆罰洋十九元馬榮帶人入園喧吵罰洋三元以示懲儆並將滋事人等均行保釋

移案斷結○前由吳署移送陳王氏指告伊叔翁陳六逼走夫第陳季華無人養贖一案昨經南段總局職員高大令訊明斷令陳六每月給陳王氏洋三元過度以陳季華回家之日為止兩造違案完結

施種牛痘○聞本埠李紳在草廠巷前清修院特延醫士仿照西法施種牛痘刻已議定開辦

設槽護樹○由督署沿河至買家大橋種有樹木並各棧花草當此春夏發青之際恐人踐踏傷損已由工程局先設柵欄並由巡警局出示諭禁

控告誣騙○前在順發洋行街唐雨村於日前行至三局二區地面路遇九恒號掌櫃林連溪等將唐扭住旋在三局二區以唐誣騙巨款等情控告即經區官署訊後將一千人等詳送總局訊辦

發所習藝○前經保定工巡局發天津縣監禁之善洛一犯現因監禁期滿昨經審判廳遵照來文另罰苦力五年發所習藝

聚賭被獲○昨有西南城角養病所後白房子居住張郭氏家日前聚賭當經五局四區警兵查悉將該氏並賭犯四名及賭具一併送交審判廳訊辦

吞款被控○河北關上吳恩元向在洋藥行生理前與屠戶劉玉和夥作賣猪生意劉于三月初間領吳洋元一百八十元以作運猪隻之本不料未及半月已將前款虧去一百餘元顯係誣騙吳恩元情急于日前在趙家場勸局據情呈控當蒙核准即將劉玉和拘案訊究

公舉學董續聞○學務總董林兆翰君前因部文公舉學董等因遂傳知學界人員擬定月之十五日在西官講所另行公舉李子鶴登台宣明衆始散去

換聘教習○憲法研究所為培植司法人才之地自范監督到廳後尤復遇事整頓訪聞近以某教習學問平常又復不洽衆望已在保定聘某孝廉充當該所教習矣未知確否

車站紀事○瑞生祥銀號現銀洋一萬四千五百元又張京鐵路局震發合中裕厚三家現銀三萬兩於十八日早車由津運往北京△銘立生軍衣莊承做紫花布單操衣四千五百套於十八日由津裝火車運往保定交陸軍第一鎮收納

官場行程紀

十七日 由京來津

奉天全省巡警總辦雷觀察朝彥

日本南滿鐵路總辦後藤氏

又 由津來津

江北陸軍十三協統領田副戎中玉

又 由津赴塘沽

駐津英國提督

又 由津來津

日本眾議員稻畑氏

又 由津來津

獨石口撫民同知龔司馬慶麟